


B. N. C  
FIRENZE

1 2 3 2

10




- 1232.10

A



IO. AVRATI  
LEMOVICIS  
Triumphales  
ODÆ.

AD  
ILLVSTRISS. PRIN-  
CIPEM CAROLVM LOTHA-  
RINGVM CARDINALEM.



LVTETIAE,  
Ex officina Roberti Stephani.  
M. D. LVIII.

1232.15



385

AD ILLVSTRISS. PRINCI-  
PEM CAROLVM CAR-  
DINALEM LOTHA-  
RINGVM.


Portat in auratis Victoria Carole pennis  
Henricum ad cœlum, Guisadénq; tuum.  
Et mea nunc præter solitū temeraria Musa  
Ad cœlum audaci nititur ire via.  
Sed si blanda tui subuexerit aura fauoris,  
Quos canit, astra super Musa secuta canet.

Auratus.

IN GVISII DVCIS

reditum ex Italia,

Auratus.

11  
 OLVANT Camœna triste  
silentium,  
Soluant : & acri Guisaden lyra  
Cantent, remoto iam Britanno  
Mœnibus à patris tumultu.

Nuper secundus dum terere Annibal

Fastus superbos tenderet Alpium,

Ausi feroces tum Britanni

Gallica sunt penetrare rura

Orbata tanto præside, tot virum

Cum cæsa fœdè millia, pròh nefas :

Tot vinc̃ta duellorum pudendis

Brachia nobilium catenis.

Iam gloriari quidlibet insolens

Iactabat Anglus, celsa Lutetiæ

Se templa fundo diruturum

Sacrilegis spoliata dextris.

Sed Guisiani fama ferociam

A.ij.



Gentis superba contudit ocyus :  
Vix ductor auditur redire  
Guisius, & fugitant Britanni.  
Vt fortè viso cùm cane Theſſalo  
Immanis auſi conſcius auſugit  
A gna lupus laxis remiſſa  
Faucibus, horribiliq̃ue dente.  
Nec mirum, agebat non ſtimulus ducem  
In bella ſimplex : mixtus erat dolor  
A cer pudori, capta ſigna  
Gallica, ſe reuocatum ab auſis.  
Vt Pænus olim, Scipio cùm vreret  
Arces Eliſa, iam Capitolio,  
Cuncto timente iam Senatu,  
Signa domum reuocare iuſſus.



DE CALETVM VRBE

NVPER A GALLIS GVISIO

*duce recepta, Carmen alternum*

*Aurati.*

Loquuntur inter se

NVNTIVS ET VVLGVS

GALLICVM.

N.



L A M A T E Galli  
nunc ter ïo ïo.

V.

Quæ læta Gallis instat o-  
uatio?

N. Capti Caletes. v.

Multa paucis

Digna nouo memoras triumpho.

N. Vicêre Galli, sed duce Guisio:

v. ïo triumphæ, nunc ter ïo ïo.

N. Vicêre victores Britannos:

A. iij.

v. Nunc ter ïo, ter ïo triumphe.  
 n. Annos ducentos serua Britannia  
 Urbis liberata est. v. Nunc ter ïo ïo.  
 n. Migrate iam prisca coloni.  
 v. Nunc ter ïo, ter ïo triumphe.  
 n. Illinc Philippus pulsus Ibericus.  
 v. Pulsus Philippus antè Valesius.  
 n. Vt nomen, sic fata rerum.  
 v. Nunc ter ïo, ter ïo triumphe.  
 n. Rex pulsus Anglis antè Valesius:  
 Rex nunc repellit ecce Valesius  
 Henricus Anglos, v. Est nepos, est  
 Vltus auos: ter ïo triumphe.  
 n. Medi feroces Ecbatana ob sua.  
 v. Angli minaces ob sua Rissana.  
 n. Sed capta Græcis illa, Gallis  
 Viribus hæc. v. Ter ïo triumphe.  
 n. Non iam Britannos ardua mœnia  
 Seruant Caletum. v. Nunc ter ïo ïo.  
 n. Non æstuarij fossa clausi.  
 v. Nunc ter ïo, ter ïo triumphe.  
 n. Quà nuper Anglus oppida Gallica  
 Trux assilibat liberius vagans:  
 Hæc assilit nunc Gallus Angla.  
 v. Nunc ter ïo, ter ïo triumphe.

IV

N. Nunc præda prædo factus. v. ïo ïo.  
N. Victusque victor. v. Nunc ter ïo ïo.

N. Nunc prouocator prouocatur.

v. Nunc ter ïo, ter ïo triumphe.

N. Henricus author tam subiti boni,

Qui Guisium cum fulminibus suis

Misit Caleres territurum

Ignesuo. v. Ter ïo triumphe.

N. Hispanus hostis non semel hunc ducem

Sensit valentem. v. Tunc'ne Valentia est

Cum capta? N. Et ad Rantina castra,

Atque Mosellica. v. ïo triumphe.

N. Olim puellæ vis Lotharingicæ

Pellebat Anglos (mira, sed acta res)

A' Gallia: nunc Gallia Anglos

Vis iterum Lotharinga pellit.

v. Fatale quoddam ius Lotharingicæ est

Gallos ab armis asserere Anglicis

Quondam puellari, virili

Marte recens: ter ïo triumphe.

N. Rex, an'ne dux est ipse beator?

v. Ambo beati, Rex duce, Rege dux.

N. Ambobus ergo ambo canamus:

v. N. Nunc ter ïo, ter ïo duobus.

AD HENRICVM VA-  
LESIVM REGEM INVI-  
CTISS.

De Caletica victoria.

*Alternis loquuntur duo de plebe Gallica.*

GALL<sup>o</sup> I.

GALL<sup>o</sup> II

G. I.



V D A X Iberus con-  
iugio nouo,  
Dotalis audax imperio  
insulæ,  
Henrice te tentarat  
vltro,

G. II. Nunc timet ante tuos Caletes.

G. I. Sic vltro Attiden voce laceffere

Aufus superba vxorius ille Phryx :

G. II. Sic mox laceffitum refûgit

Coniugis in gremium recurrens.

G. I. Iurgauit vxor tunc reducem Parin :

G. II. Iurgabit vxor nunc reducem virum :

G. I. Quòd turpiter cessiffet ille :

G. II. Quòd modò turpiter iste cessit.

G. I. Ergo (inquebat tunc Helene suo)

V ictus redis tu semiuir à viro !

- G. II. Ergo redis tu (dicet Angla)  
 Victæ viris vir Ibere Gallis!  
 G. I. At non eras id pollicitus tuæ:  
 G. II. Non, sed subactæ iura Lutetiæ:  
 G. I. Et sceptræ regni Gallicani:  
 G. II. Pollicitis leue pondus amplis.

# DE REGE HENRICO IN

equo veredo ad Caletes vecto,  
 Dno Viatores.

- V. I. Quem tam citato fert leuis impetu  
 Sublimem in auras Persea Pegasus?  
 V. II. Henricus est, quem fert volantem  
 Nunc equus ad domitos Caletes.  
 V. I. Nunquid refectæ Gorgonis in manu  
 Colla, & cruentas exuuias quatit?  
 V. II. Non colla, sed raptum Medusæ  
 Ille quatit spoliū Britannæ.  
 V. I. Quis iunctus illi purpureo volat  
 Fulgens galero, & purpurea stola?  
 V. II. Non tu sacrum noscis galcrum  
 Mercurij, similisque vultus?  
 V. I. Num Perseo iste Mercurius dedit  
 Falcatum & ensē, & verba salubria?  
 V. II. Quidni? dedit sed fratris ensē,  
 Ipse suos monitus salubres.

DE DVCIS PARMEN-  
sis copiis à Ferrariano Principe nuper  
fufis fugatis.



V M Guisiani feruet ad-  
huc recens  
Plausus triumphi, plau-  
sus adest nouus :  
Ferrarij quem dextra  
nuper.

Martia Marte tulit secundo.  
Ergo trophæum dux geminus duplex  
V no excitauit tempore, de domo  
V na : iugalis namque ræda  
V na duos sociat penates.  
Ferrarianam Laurea filiam  
Duplex coronet : quam meruit suus  
I llinc vîr, hinc frater, receptis  
I lle Caletibus, hic Iberûm  
Cæsis virorum tot modò millibus  
I n montium radicibus, oppidum  
A d Rhegij : quos infidelis  
P arma ducis malè protegebat.  
Ferrariani ô ferrea dextera !

Quæ tot cruores sparsit Ibericos  
 Vno sub ictu: vt lata campos  
 Sanguinis obrueret procella.  
 Qualis frementi murmure proruit  
 Torrens supinis collibus in cauas  
 Valles: vt horrendam propinqui  
 Diluuiem trepident coloni.  
 Vniſ beata ô Gallia ſat nouis  
 Eſſes opimis: ſed cumulat Deus  
 Pæane Pæanem, rependens  
 Damna lucris tua ſceneratis.  
 Hic expiabit annus (vt incipit)  
 Anni prioris dedecus: accipe  
 O Gallia omen: ſed deûm quis  
 Veſtra trophæa Duces ligauit?  
 Idem ne qui vos antè ligauerat  
 Connubiorum nexibus aureis,  
 Nunc ferrei iunctos triumpho  
 Infragili religat catena?  
 Tam forte quæ vis ſoluere vinculum  
 Poſſit? quis illud diruere impetus?  
 Eſt magna vis affinitatis,  
 Maior erit ſocij trophæi.

B.ij.



IN CONVENTVS  
AB AVGVSTISSIMO

Gallorum Rege Henrico II. Pa-  
risiis habitos Nonis Ianuariis

1558,

*Allegoria.*



V D A C I S iuuenis  
cùm temeraria  
Virtus patris equis vsa  
proteruius,  
Flammaſſet ſuperùm tem-  
pla, nouos ſacris

Ignēs ignibus inferens :

Cafu ſollicitus Iuppiter ætheris

Compescit prius ignem , atq; deùm metus :

Tum circunſpiciens cuneta perambulat

Regni læſa ſui loca.

Postquam intacta rogis cætera & integra

Deprendit ſolito more perennia

Stare à perpetuis nexa adamantibus,

Præter ſiqua vorax vapor

Iam conſumpta auidis carpiſſerat ignibus :

In partem vacuum labe deos vocat  
Omnes, semideosque, & simul infimæ

Plebis præcipuos duces:

Communisque super clade periculi  
In commune iubens subsidium dare,  
Sic ipse in mediis ora resolvere,  
Sacris vocibus orsus est,

RES MAGNA ô Proceres nunc agitur, salus

Omnis vestra meis nixa palatiis,

Quæ læsa à subita conspicitis face :

Nam quæ vestra Dei salus,

Si seruantia vos tecta Iouis ruant ?

Vos ergo in medium consulite, & meis

Vestrisque exitium pellite sedibus

Pro se quisque fideliter.

Certè summa fides ac pietas mea

In vos semper erit: huius & obsidem

(Si fas dicere, sed fas mihi) filium

Do communiter omnibus.

Dixit, nec mora Dij verba Iouis suis

Excepere sonis : prima Iouis fides

Hermes, purpureis cinctus honoribus

His Regem rescutus est.

QUI non de superis tam placido & bono

Regi præstiterit, quam meruit fidem

B. iij.

Tot tantisque suis ille laboribus

In communis opes boni?

Cuius primus honor, quod reuerentia

Diis templisque deum salua sua est adhuc

Contra barbara tot monstra Gigantium

Cælo bella minantium.

Alter proximus illi hic Iouis est honor,

Non fuisse rudi secula silentio

Torpere, & variis artibus ac sonis

Instruxisse hominum genus.

Et nunc quanta animi sollicitudine

Coniunctum superumque atque hominum decus

Incumbit reparare, ignibus impiis

Tentatas superas domos?

(Sed quo iam ulterius, quo ruis ô procax

Musa augusta deum consilantium

Paruis dicta modis attenuare? age

Adduc interius rotas.)

Hæc Hermes superum digna fauoribus

Diuina ambrosio gutture fuderat

Verba, & quicquid opum diuitibus latet

Templorum penetralibus,

Offert ad reparanda vsta palatia:

Pubis robora Mars, gnauaque brachia

Fabrorum: alma catas artificum Themis

Mentes : æquoreus deus

Largam materiam, marmor, ebur, rubro

E' ponto lapides, quicquid ab vltimis

Terris turba refert alta secantium

In vastis onerariis.

Laudatis pariter vox Iouis omnibus,

Conuentumque deum, vnâque silentium.

Soluit : cuncta fremit murmure plausuum

Intus Regia Coelitem.

A D M A R G A R I N V A -

LESIAM REGIS SOROREM,

*De Guiniana arce recens capta.*

**Q**UIS tot recentes sufficiat tui  
Fratris triumphos Márgari dicere?  
Non fessus ille hostes domãdo:

Fessus ego domitos canendo.

Capti Caletes, captâque Risbana,

Et capta nunc arx Guinia, & altero

Alter super rumore rumor

Lætus ouans venit à Britannis.

Sed Guinij nunc præcipuus labor

Cantu canendus præcipuo mihi est,

Absente quo de Rege curas

Sollicitæ minuat fororis.  
Absens receptas ille Caleticas  
Turres recenset; templa, vias, domos  
Absens recognoscit suorum  
Vulnera, facta, trophæa, prædas  
Hostes Britannos vrbis agens pudor  
Gallis receptæ post duo secula,  
Pro Guinianis præliari  
Mœnibus acrius incitabat,  
Multi furebant intus Iberici  
Fortesque, fortis cum duce, milites  
Gallos & vrgebant Britannia  
Durius integra signa fessos.  
Sed Rege viso, castra recentia  
Pugnare credas: tam celeri impetu  
Intratur arx tum Guiniana  
Vi, sine conditione, captâ  
At dederes te (si sciperes satis)  
Sicut Caletes, Guinie: & à Duce  
Mox impetrâres tam benigno,  
Ne rigidos caderes in enses.  
„Punire quos vult pro meritis Deus,  
„His mentis aufert consilium bonæ  
Cæsi rebelles: nunc superbæ  
Pœna alias monet vrbis yrbes.



DE POETIS ET

PRINCIPIBUS VI-

*Etoribus Poëtas amantibus,*

AD

EUNDEM PRINCIPEM

CAROLVM LOTHARIN-

GVM CARDINALEM,

*Carmen Pindaricum*

*Aurati.*

STROPHE I.



RISCI, Lotharinge,  
Poëtæ

Quos coronatos comâ  
Simplici lauro, nec auro,  
Duxerant antra in sua  
Pierides,

Nouerant solos amores  
A d calamos modulari,

C.i.

Siqua puella decens, aut siqua nympha  
Dulce florentis iuventæ ver agebat.

ANTISTROPHE I.

Fului nec enim nitor auri  
Rusticis adhuc erat  
Cognitus Musis: nec vllus  
Rex amandis carminibus pretium  
Dixerat: testudinem nec  
Tum decorabat eburnam  
Aurea lamina: sed vili tabella  
Pauper è ligno dabat cantus acerno.

EPODOS I.

Tunc quoque Thessalicas  
Te, Phœbe, ferunt pecudes ad fistulæ  
Murmur arundineæ duxisse pastum,  
Aureos præter capillos  
Nescium quid esset aurum, nec solitum  
Auream gestare manu pharetram,  
Gemmaeque tractare plectra.

STROPH. II.

Quis præside & auspice vatum  
Sic egente & sordido,  
Cultiores tunc fuisse  
Credat ipsos? versibus aut aliqua  
Constituta tunc ab vllis

R egibus esse vetustis  
Præmia ? diuitiis reges & ipsi  
Cùm carentes, in toris herbæ virentis

ANTISTRO. II.

Sub fronde virente cubarent :  
Sceptra nec ferrent manu  
Vlla, præter quàm recisa  
Matre sylua : quæ tamen, vt Styga dij,  
Sic timebat peierare  
Simplicitas vetus : at nunc  
Aurea sceptra ferunt nostri potentes  
In manu Reges, & aureas coronas.

EPOD. II.

Qualis erat Sículus  
Rex, aut Hiero, aut Polybulus frater, aut  
Tu Thrasymbule, Gelónque, clara proles  
Illius potentis omneis  
Et velut dulces quadrigæ Dinomenis :  
Qui tenebant sub ditione sua  
Regna totidem fœderata.

STROPH. III.

Nam Græcia tempore quodam  
Diues armis & viris,  
Et triumphis ac trophæis,  
Atque partis cuspidem manubiis

C.ij.



Clara florebat, beatam  
Sed stolidam populata  
„ Barbariem: nec enim sat tuta lanæ  
„ Pellis aureæ carens cauto dracone.

ANTISTRO. 111.

Sic Persia præda dolosæ  
acta quondam Græciæ,  
Victa victores beaut:  
At coronæ, sceptrâque frondea mox  
Sorduerunt: atque cœptæ  
In phalerâsque rotâsque  
Persides Argolicas frangi tiaræ,  
Et comæ gemmis manûsque illuminari.

EPOD. 111.

Nec mora, cùm studiis  
Plebs arsit equûmque, virûmque, qui sacris  
Puluerulenta nouarent ritè ludis  
Lustra: feruidisq; cautè  
Flecterent metam quadrigis axifragam.  
Hîc videres omnia diuitiis,  
Omnia coruscare gemmis.

STROPH. 1111.

Conferta coibat ad illa  
Græca gens spectacula,  
Parsque maior Barbarorum

Solis ex ipsis propè carceribus  
Vsq̃ue, concurrénſque metis :  
Cerneret vt decorata  
Curricula atque rotas fuluis Pyropis,  
Et virentibus Smaragdis & Topazis.

ANTISTRO. II II.

Sed non opulentior vlla  
Vifa equùm ſolennibus  
Pompa ludis : quàm potentes  
Quas Tyranni ducere ſunt ſoliti,  
Inſulæ reges Triquetræ :  
Nec domus vlla coronas  
Tot vel Olympiacas, vel tot Nemeas,  
Pythiaſue, aut Iſthmias ſortita plures.

EPOD. II II.

Gloria ſed fragilis  
In frondibus arboreis eſt : & nocet  
Dente ſuo caries longæua ſignis  
Aureis argenteiſque :  
Nec vigeret viua virtus laúſque virûm,  
Qui feribant ſidera verticibus  
Diis paria quondam per acta :

STROPH. V.

Ni prouida cura potentum  
Dauitúmque Principum

I d timens, fabros vocasset  
Qui perennes arte sua statuas  
Elaborarent, Eposque  
Perpetuum, numerosque  
A d citharam modulandos. tunc Poëtæ  
R ure regales in aulas demigrare

ANTISTRO. V.

I ussi, manibus repulerunt  
Stridulas arundines :  
V t Minerua cùm foratam  
Tibiam, deformiter os tumidum  
E t genas diuaricantem,  
Cerneret amnis in vnda,  
S e velut in speculo spectans in illa,  
Fertur abiicisse fractam : sic & ipsi

EPOD. V.

Ligna paludigena  
Cera pariter, serie sed dispari,  
R itè ligata relinquunt : gemmeasque  
A d lyras testudinesque  
A dmouentes dædaleos articulos,  
E' cauerna sculptilis aut eboris,  
A ut tenuè clangentis auri,

STROPH. VI.

A uro similes modulatus

E diderunt : atque ita  
 Masculo sunt cœpta cantu  
 Inclytorum fortia facta cani  
 Principum simulque Regum,  
 Posthabita pecorosi  
 Delitiis Galatea Tityrilli :  
 Pallas & Pali, palatia alta sylvis

## ANTISTRO. VI.

Præolata, iugoque bicorni.  
 Nam fues Bœotias  
 Pauerat qui sub vetustis  
 Pastor olim Pindarus ilicibus :  
 Aureo tunc cœpit arcu  
 E minus ciaculari  
 Tela volantia, ceu canos olores,  
 Quæ sacros Reges tulerunt astra supra,

## EPOD. VI.

Præcipuè Siculos:  
 Quos Iuppiter vt genuit, sic editi  
 Regibus ex atavis horum nepotes  
 Principes, armis & ipsi  
 Nobiles, suoque digni genere.  
 Sicut & nunc gens Lotharinga probat  
 Se Siciliae Rege natam.

## STROPH. VII.

Charos pia quæ sibi Gallos  
 Mente tutans & manu,  
 Ut suæ testes Poëtas  
 Laudis ornet Regia dextra facit :  
 Vnde sese aurata plectra,  
 Aurea fila chelynque  
 Noster habere superbit nunc Apollo,  
 Hos habens dulces apud Regem patronos.

## ANTISTRO. VII.

Se, qui volet, esse creatum  
 Optet illo seculo,  
 Falcifer quo Rex egenos  
 Temperabat atque rudes populos:  
 Me iuuat nunc esse natum,  
 Cum decorata nitensque  
 Diuitiis & honore docta Clio  
 Exuit turpem situs prisca veternum.

## EPOD. VII.

„D os alit ingenium,  
 „A ugétque bonas honor artes : sunt vbi  
 „P ræmia digna, grauis pondus laboris  
 „Q uæ leuent. nam lassat aruum  
 „P ingue, sed fessos iuuant frumenta boues:  
 „M ellis instar, tristis amaritiem

„ Pabula minuunt aratri.

STROPH. VIII.

„ Certè propè manca sit omnis

„ Vis virorum fortium :

„ Ni sit vnde bellicoso

„ Comparentur arma manúsque virûm

„ Imperatori Ducique.

Tempore sicut & illo,

Quo sibi Guisades tantum suisque

Dux parauit nominis, tantúmque famæ,

ANTISTRO. VIII.

Virtute quidem duce, verùm

Cui comes, Fortuna, tu :

Meta nam Metensibus

Ille terris firma tenaxque manens,

Transitum præcluserit hosti

Gallica tecta minanti

Ignibus atque globis raptim rotatis

Fulminis sese modo mox diruturum.

EPOD. VIII.

Sed minuit rabiem

Hostis gemina stimulati Erinnyde,

Bile pudoréque tabendi pruinis

Ante murorum moras, Dux

Vrbis obsessæ fidele præsidium

D.i.

A tque custos, Guisius ille vigil  
Consilia fraudésque tectas

STROPH. IX.

Vulpis vetulæ speculari :  
Non minus quàm strenuus  
I re cominus periclis,  
Cùm vocarent horrida signa tubæ,  
Nec pauere sibilatus  
Hinc simul hincque per aures,  
Et caua tempora raptim transmeantum  
Plumbearum glandium, & ferri volucris.

ANTISTRO. IX.

Ergo domus illa beata  
Semper est, semper fuit,  
Quæ viros sortita tales,  
Tàmque forti pectore conspicuos,  
Tàm simul largis abundat  
Diuitiis proauitis :  
Iuncta quibus faciles occasiones  
Gloriæ virtus habet sibi parandæ.

EPOD. IX.

Sæpe suis opibus  
Gens auxit opes Lotharinga Gallicas :  
Non ego ficta, nec intestata canto :  
Testis est amnis Mosellæ,

A ltera Rhenúsque ripa potus equis  
G allicis, ô Carole docte, tua  
N on sine toga, & fratris armis.

## STROPH. X.

A t nuper item sua fratrem  
Q uó tulit virtus tuum,  
G allicæ robur iuventæ  
M ontium per nubiferos apices  
T ransferentem? qualis olim  
A nnibal acer aceto  
I gnéque sulfureo domare saxa:  
Q uà truces Vestæ focis inferret Afros.

## ANTISTRO. X.

D ispar modò causâque duxque  
P erforandarum Alpium.  
I nfideles tunc Iberi,  
I nfideli sub duce, Romulea  
T empla, Tarpeias & arces  
D iruere igne manúque  
P er rabiem indomitam stulti parabant:  
S ed sua in contrarium spes vertit ipsis.

## EPOD. X.

A t Lotharingus agens  
A gmen iuuenum (pia castra) principum,  
I bat vt horribiles arceret ignes

D.ij.



A' Quirini mœnibus : quæ  
Turca tum tâquam prophanus, hostis Iber  
Trux furebat sternere fracta solo,  
Omina Deo non probante.

STROPH. XI.

Iam tela retorta volabant  
In manus quæ torserant :  
Ut Gigantes cùm sepulti  
Sub ruinis procubuère suæ  
Molis affectantis astra  
Scandere more nefando :  
» Nam genus est hominum sensu carentum,  
» Qui nefas pugnare diis non esse ducunt.

ANTISTRO. XI.

Quæ quantâque Tibri videres  
Impiorum funera ?  
Quot rotares non inanes  
Sub cruentis vorticibus galeas ?  
Quas resecta fronte plenas  
Guisiaci furor ensis  
Demeteret, dominis raptâsque truncis  
Fluctibus mandaret Hetruscis ferendas.

EPOD. XI.

Sed properauit Iber  
» ( Tandem sua per mala vir stultus sapit )

Sancire fidem populo cum Romuli,  
 Et pedem referre Roma,  
 Te timens, Henrice, cuius Guisiades  
 In Latinos pro Latio populos  
 Signa cruce portabat alba.

## STROPH. XII.

Annibal alter iens tum  
 Fregit Alpes Guisus:  
 Pace Romanis sed acta,  
 Dum rediret, cautus erat Fabius  
 A' dolis Florentianis  
 Agmina salua tueri,  
 Atque tuis ô Ibere fraudulente,  
 Punica cui vetus est fides in armis.

## ANTISTRO. XII.

Contra tua vota minasque  
 Guisus reuersus est:  
 Et reuersus est vocatus,  
 Vt Britannas pelleret hinc pharetras:  
 Sic & à Roma retractus  
 Annibal, vt patriæ vrbi  
 Subsidium, sed inane ferret: ast hic  
 Ancora sacra suis Gallis refulsit.

## EPOD. XII.

Gallia iam penitus

D. iij.

Flammis & erat populanda cædibus,  
Clade tot antè virûm Gallis Ducûmque  
Accepta, & inflatis secundo  
Prælio, vrbis atque direptæ spolio  
Hostibus : cùm grata superueniens  
Guisiàs hasta, sua vmbra terret Anglos.

STROPH. XIII.

Vt, cùm lepores capreæque  
Agmine lasciuiunt  
Ludibundo per patentis  
Æquor arui, vere nitente nouo,  
Siqua visa transvolantis  
Vulturis accipitrifve,  
Quæ citò pingat agros, nigrans imago :  
Terror imbelles feras in antra cogit.

ANTISTRO. XIII.

Sic territa tum reuocauit  
Guisio viso gradum  
Vis Ibera, vis & Angla :  
Sèque clausos continuêre suis  
Mœnibus, qui nuper vltro in  
Mœnia nostra ruebant.  
Hos tamen arce Caletûm, apes vt alucis,  
Guisius cruit igne, acrique fumo.

## E P O D. X I I I.

Nec remorata virum est  
 Natura, nec ars loci inexpugnabilis:  
 Improba non hyemis bacchantis ira.  
 Spreuit Iccij pruinas,  
 Alpium qui iam niues non horruerat.  
 Undecim quæ mensibus vrbs fuerat  
 Capta, totidem nunc diebus

## S T R O P H. X I I I I.

Est Marte recepta volucris  
 Regis, & gnaui Ducis,  
 Regis Henrici, Ducisque  
 Guisiani: quorum ego sæpe libens  
 Iuncta cantabo trophæa.  
 Sæpe Ioui suus est Mars  
 Dulciter associatus à Camœnis,  
 Ille fulminum vi victor, hic sed hasta.

## A N T I S T R O. X I I I I.

Galli Iouis hinc quatiebant  
 Sæua muros fulmina:  
 Inde Guisius pauens nil,  
 Dux agebat mille secuta ducem  
 Agmina irruptura turres,  
 Mille simulque frementum  
 Sub Duce fratre suo turmas equorum:

Tertio cum fratre Neptunus parabat,

EPOD. XIII.

Classe manúque frequens,  
Per mille virúm fodientum brachia  
Mille tridentibus armata atque palis,  
Aggere exæquare fossas.  
Sed receptui vrbe capta iam canitur:  
Bella, Clio, mitte iubente tuba:  
Et cane triumphum, arma differ.

1232. 10

- 7

10: 963697



1708  
1709  
1710  
1711  
1712  
1713  
1714  
1715  
1716  
1717  
1718  
1719  
1720  
1721  
1722  
1723  
1724  
1725  
1726  
1727  
1728  
1729  
1730  
1731  
1732  
1733  
1734  
1735  
1736  
1737  
1738  
1739  
1740  
1741  
1742  
1743  
1744  
1745  
1746  
1747  
1748  
1749  
1750  
1751  
1752  
1753  
1754  
1755  
1756  
1757  
1758  
1759  
1760  
1761  
1762  
1763  
1764  
1765  
1766  
1767  
1768  
1769  
1770  
1771  
1772  
1773  
1774  
1775  
1776  
1777  
1778  
1779  
1780  
1781  
1782  
1783  
1784  
1785  
1786  
1787  
1788  
1789  
1790  
1791  
1792  
1793  
1794  
1795  
1796  
1797  
1798  
1799  
1800







MC

